



CHANSON  
AR FUMEREZET.

*Var ton ar Parlamant.*

**D**igassit din liou ha paper,  
Ma laqin eun eur vanden  
Bremâ souden var va c'hayer  
Ar merc'het hac o fiben ;  
Rac dies bras eo va speret,  
O velet qement a verc'het  
Pere a zoug en o c'herc'hen  
Corn butun ha liassen.

Mes evel ma-zeo danjerus  
Ur vaouz, pa ves fachel,  
E c'houlennàn ouzoc'h excus,  
Merc'het, mar bezit choqet ;  
Rac bezit persuadet mat  
O pezo bremâ ur flippat  
Abalamour d'ho liassen,  
D'ho putun ha d'ho piben.

Va c'halon a dounjeret  
O velet ar viltançou :

2

Qement a zo ve sclabezet  
 Pa fumont o c'horniadou ;  
 Ha pa vezont ec'h oza'r yot,  
 Na vanq get sur da gaout e lot,  
 Rac neuze' vezont e trein vat  
 Da fumi ur c'horniedat.

Me a zo avis deoc'h, merc'het,  
 Da ober brinidennou  
 Evit laqat var ho pruchet  
 E plac ho mouchouerou.  
 Qementse ne gousto get qer,  
 En un devez ur c'hemener  
 A rayo meur a vriniden  
 Da blom glaouren ar biben.  
 Goaset, bezit ive difun  
 Da brepar' ho liassen,  
 Da laqat an tamou butun  
 A guetot en ho souben ;  
 Rac m'en assur pred boued ebet  
 Ne vezo deoc'h-u preparet  
 Hep en devezo e loden  
 Eus ar sustanç ar biben.  
 Pa zit en un tu da bourmen,  
 Ne ve get drouc ho quelet  
 O tispaga ho liassen

3

Da rei d'ho commerezet.  
Va c'hommer, laqit ur c'horniat,  
Ar vech-mâ e meus butun mat :  
Pa vezo ar vlaguen gollo,  
An ozac'h a bourvezo.

Goude fumi, peur liessa,  
E clêvàn e ve sec'het ;  
Neuze n'em leqeont da lonqa  
Dour evel touliou gòet.  
Ne qet soues bras o guelet  
Gant hidropisi decedet :  
Coulz e ve dezo eva the,  
Pe guin-ardant, pe gafe.

Mes ne zeus re-qen disqempen  
Evel ar vaguerzet ;  
Unan a zo eus ar vanden  
E deus dêvet he bruchet.  
Caer vezo deoc'h, bugaligou,  
Mar guellit serri ho qinou,  
Rac anez o pezo certen  
Lod a sustanç ar biben.

Guelet merc'het a zo esqis  
O fumi ur c'horniedat ;  
Coulz eo ganén guelet ur vis  
O neza ur gueyelat.

4

Un doujer eo guelet o min ,  
 Ha c'hoas e sonj d'an traou indign ,  
 Pa ve en o beg ur biben ,  
 E vezont merc'het qempen.

Goaset , pa zit eus ho qêriou ,  
 Ne vanqit qet da guzet  
 Ho putun hac ho pibennou ,  
 P'otramant e viot flippet ;  
 Rac pa deuyo dê c'hoant fumi ,  
 Ne chommo corn abet en ty  
 Na vezo furlogoteat  
 Evit caout ur c'horniedat.

Mar deus , hervez an decrejou ,  
 Comisseret er vro-mâ ,  
 Da gonta ar chiminalou ,  
 O deo labour da chiffra ;  
 Paqet viot , fumerezet ,  
 Rac ret eo , herves an decret ,  
 Paëa divar peb chiminal  
 Tri scoët ha pêvar real.

Bremâ ive , merc'het yaouanq ,  
 M'o laqai er vreuriez ,  
 Rac ne veac'h qet sur contant  
 Ma n'o pe ho tijenes :  
 N'oc'h nemet plac'het divalo ,

5

Dismeganç, fablen, farç ar vro ;  
 Ha ma na guitait ar butun,  
 Sur e collot ho fortun.

Mes ne deus re qen etourdi  
 Evel ar fumerezet ;  
 Qentoc'h eguet chom hep sumi,  
 E zaent da glasq o bouet.  
 O ziez a vez dislogot,  
 Rac n'o deus na bara, na yot ;  
 A boan vras ê dezo so qen  
 Gallout golo o c'hroc'hen.

Servichereset, c'hui zo sclêr,  
 A ranco mont diarc'hen ;  
 Ho cajou a vezo dister  
 Evit bourra ar vlaguen.  
 Manific e viot evelse,  
 Scànyoc'h e viot da vale ;  
 Ha pa vezo lous an hentchou  
 Na gargot qet ho poutou.

Avoalc'h sur emeus caqet  
 Ar merc'het hac o fiben ;  
 Ma na dint qet convertisset,  
 Int goassoc'h eguet payen.  
 Rac se me ya da finissa,  
 Ouc'h o lezel var guement-mâ :

6

Selaouit attantivamant  
Va diveza complimant.

Esper e meus, fumereset,  
Goude eur seurt prezeguen,  
E vezo ho calon touchet  
Ilac e reot pinijen.

Laqit urz vad en ho tiez,  
Ha chenchit pelloc'h a vuez,  
Rac mar bezit re obstinet,  
E viot excumunuguet.

Ac'hanta ta, fumereset,  
Pean oc'h eus en ho calon,  
O velet qer brao qempennet  
Hoc'h histor hac ho chanson!  
Mes qemerit paeciantet,  
Calz c'hoas a ve da lavaret  
Evit cehvi pen da ben  
An histor eus ar biben.

Ar chanson-mâ so composet  
Gant daou ganfart disourci;  
Evit exerci o speret  
O deus great anezi;  
Ne qet dre intantion fall,  
Mes seulamant evit farçal  
Ilac evit en em recier:

7  
Merc'het, deut d'o fardoni.



CH AN S O N

AR PLAC'HIC PAOUR HA FUR.

*Var ton Fantic Coant.*

**D**EIZ mad dêc'h, Fantic Coant...

Mes pebes chenchamañt!

Diveza m'ho quelis

E voa fresq hoc'h invis;

Mes abaoue, me gred,

Noc'h eus-hi get chenchet.

Joa vras ameus ouzoc'h,

C'hoas em bije muioc'h,

Ma vije ho qenet

Eun nebeut decoret

Eus a netadurez....

Pardonit, va mestrez.

Na ellàn get credi

E ve dre ziegù,

Qen nebeut supposi

E ve dre loustoni

O cuelàn, plac'h yaouañqoa